



28. september 2009

Inatsisartut suleriaasianni § 36 imm. 1 innersuussutigalugu naalakkersuisunut apeqqutegaat.

Maniitsumi aalisakkanik tunitsiveqarnerup aaqqiivigineqarnissaanut Naalakkersuisut qanoq pilersaaruteqarpat? Naalakkersuisut aaqqiissuteqarniarlutik pilersaaruteqarunik tamanna qaqugu pissava?
(Inatsisartunut ilaasortaq Peter Lyberth, Inuit Ataqatigiit)

Tungavilersuut:

Maniitsoq ukiorpassuarni, kinguaariit arlallit ingerlaneranni, aalisartoqarnikkut nunatsinnut sunniuteqarsimaqisoq, 1990-ikkut naalerneranni tassangaannartumik periarfissaarutitaavoq, Royal Greenland-ip aalisakkanik suliffissuaq matummagu.

Tamatuma kingorna innuttaasut aalisartullu piumassusertik atorlugu, nipituuliunngikkaluarlutik tunitsiveqarniarnikkut aaqqiissutissanik pilersitsisarsimapput maannali ajornartorsiorluinnalersutut taasariaqarlutik. Tassunga ilanngullugu neqinik amminillu tunioraaviup aamma ingerlasinnaajunnaarneratigut ajornartorsiutit ikilingillat.

Maniitsumi Aalisartut piniartullu peqatigiiffianiit saaffiginnissut naapertorlugu, maanna saarullilissuusoq aammalu ukioq manna saarullit alleriarsimameri takussutissaqarluni.

Ilaqutariippassuit inuuniarnikkut ajornartorsiornerat tunitsivissaqarnikkut aqqinneqaannarani aamma avammut tunisassiat amerlisinnaanerit periarfissinneqassagaluarpoq.